

A vibrant illustration depicting a man with a beard, wearing a white head covering and a red sash over a white robe, leading a diverse group of children on a golden path. The children are dressed in various traditional and modern clothing, including hats and patterned dresses. In the background, a city with tall, colorful spires is visible under a large, multi-colored rainbow arching across the sky. The scene is set in a lush, green landscape with rolling hills and a bright, sunny atmosphere.

Inzila Yakuya Kuli Leza



©2013 W. M. Press, Inc. Cifwanikiso cilaatala aba Edwin B. Wallace. Cifwanikiso cili mukati amapeeji 10, 12, 14, 16, 27, 29, 39, 41, 42, 44, 46, 47, and 48 aba Meryl Esenwein.

LEZA WAKALENGA NYIKA YESU ALIMWI 1 AZINTU ZIPONA ZYOONSE

Kumatalikilo Leza wakalenga ijulu anyika.

–Matalikilo 1:1

**Nkaambo mulinguwe muzyakalengwa zintu zyoonse,
zyamujulu azyaansi**

–Ba-Kolose 1:16

**Amulongezegwe kuli-Jehova, lwakalenga ijulu
anyika. Majulu majulu aa-Jehova, Pele nyika wakiia-
ba kubana ba-Adamu.**

–Intembauzyo 115:15, 16

Inyika yakali kulondokede iciindi Leza nakiipa kumu-
ntu. Bala kabbuku aka ukujana cakacitika.

LEZA WAKATULENGA



Elyo Leza wakaamba kuti, Atupange muntu mucinkozya cesu, abe mbubonya mbuli ndiswe. Baendelezye [baone-ke]...nyika yoonse....

—Matalikilo 1:26

MUNTU WAKABA MUUMI

3

Jehova Leza wakabumba muntu. Wakamubumbya bulongo bwaansi, wamufulida mumpemu zyakwe muuya wabuumi, nkabela mpawo muntu wakaba muumi.*

–Matalikilo 2:7

Lino Jehova Leza wakati, Tacili cibotu kuti muntu akale alike pe. Atumucitile sikumugwasya . . . Elyo Jehova Leza wakaoneka muntu inonzi impati. Nkabela naakacili mukookona, wakabweza kamwi katumpango twakwe, wasinka cipulo cako. Lino ako kampango nkaakagwisya mumontu, Jehova Leza wakakabumbya mwanakazi, wamuleta kumuntu.

–Matalikilo 2:18, 21-22

***Ukuba muumi caamba kuti tuyooba kubusena bumwi mane kukabe kutamani.**

4 ADAMU A-EVA TEBAKAMUSWILILA LEZA



Tatweelede asyoonto kuswiilila kujwi Iya-Saatani.

**Lino Jehova Leza wakabweza oyo muntu, wamubika 5
mumuunda wa-Edeni kuti aulime akuubamba. Nka-
bela Jehova Leza wakalailila muntu kuti, Misamu yoonse
yamumuunda ncobeni uyooilya, cita musamu wakuziba
bubotu abubi. Toeleda kulya kulinguwo pe, nkaambo
mubuzuba obo mboyoolya kulinguwo ncobeni uyoofwa.**

–Matalikilo 2:15-17

**Inzoka Kumwi litwa Kuti Diabulosi Naa Saatani Yakabuzya
Bwami Bwa-Leza, Akubeja.**

**Mpawo inzoka yakaambila mwanakazi kuti, Ne! Tamuko-
nzyi kufwa pe. Lino mwanakazi wakabona kuti musamu
mubotu kukuulya, alimwi ulabotezya meso, alimwi ula-
yandika kukupa muntu busongo. Nkabela mpawo waka-
bweza, . . . walya. Alakwe mulumaakwe, wakamupa, . . . wa-
kalya.**

–Matalikilo 3:4, 6

ADAMU A-EVA TEEBAKACILI KUKONZYA KUKALA MUMUUNDA



...Jehova Leza wakamutanda kuzwa kumuunda wa-Edeni kuti akalime nyika eyo njiyonya njaakagwisigwa mulinjiyo.... Wakabika baangelo bakerebimu apanga lyamabekabeka... kusinkila inzila yamusamu wabuumi.

—Matalikilo 3:23, 24

BWAKALI BUZUBA BUUSISYA KUBULENGE 7 BWABUNTU ICIINDI BA-ADAMU A-EVA NOBAKABISYA



... Cibi cakanjila munyika kumaanza aamuntu omwe buyo, alwalo lufu nkaambo kacibi, nkabela mbubonya obo lufu mbulwakazida bantu boonse -Ba-Roma 5:12

Icintu Cakuyeeya

Umuntu oonse ulizyedwe abulenge bwecibi alimwi bumwi buzuba uyoofwa nkaambo lufu lwakaboola ukwiinda mucibi. (Bala Ba-Roma 5:12 alimwi.)

8 IMABAMBE A-LEZA UKUTUNUNUNA KUZWA KUCIBI NKUTUMA MWANA AKWE SIMUZYALWA ALIKE



Ukucita kuti asangane kabotu akati kabantu, u-Mwana a-Leza wakaboola akuzoozyalwa mbuli mwana uzyalwa kumuntu.

Nkaambo muli-Kristo mubukede bu-Leza boonse buzulide camubili.

Nkabela uzootumbuka mwana mulombe ngozooulika izina Iya-Jesu, nkaambo nguwe uuzoofutula bantu bakwe kuzwa kuzibi zyabo.

—Matayo 1:21

—Ba-Kolose 2:9

JESU NGU-LEZA — MUCIIMO CAMUNTU 9

Kumatalikilo Ijwi wakaliko, awalo Ijwi wakali antoomwe a-Leza, eno Ijwi oyo wakali Leza. Awalo Ijwi wakalifungula waba mubili wabuntu uwakakalakala [uwakaponapona] akati kesu —Johane 1:1, 14

Lino aya oonse akaba kuti acitwe ngaakaamba . . . Amubone. Oyu musimbi uzoomita, uzootumbuka mwana mulombe. Nkabela bazoomuulika izina Iya-Emanuele, nkukwaamba kuti, Leza uli aswe. —Matayo 1:22, 23

Nkaambo iswe twazyalilwa mwana, twapegwa mwana mulombe. Bweendelezi buyookala azifunzi zyakwe. Nkabela izina Iyakwe liyooambwa kuti, Sinkuta uugambya, Leza Singuzu, Tateesu Uuteeli, Mwami waluumuno. —Isaya 9:6

10 JESU KRISTO — NCITUUZYO CESU CILONDOKEDE

... Oyo iwatakazi zibi

–2 Ba-Korinto 5:21

Walo teewakacita zibi

–1 Petro 2:22

Kwiina cituuzyo (cipaizyo) CILONDO-
KE umuntu ncakaluukonzya kucita
icaluunga cilakonzya kugwisya cibi.

**Nkaambo bulowa bwabacende a-
bwampongo tabukonzyi kugwisya
zibi.**

–Ba-Hebrayo 10:4

Jesu Mwanaambelele wa-Leza. ... **Amubone, Mwa-
naambelele wa-Leza, uugwisya cibi cenyika.**

–Johane 1:29



JESU WAKAPA BUUMI BWAKWE UKUTUFUTULA

11

Jesu wakakankaminwa aciingano cacisamu nkaambo bantu basilunya bakamusula. Pele lufu lwakwe akali mabambe aa-Leza. Jesu, mukuyanda kwakwe mwini, wakapa buumi bwakwe ukufutula nduwe andime ukuzwa kuzibi zyesu.

Jesu wakati, **Takukwe uundinyanga** [Buumi bwangu] **mbubo, pele ndabutula ndemwini. Ndjisi bwami bwakubutula, alimwi ndijisi bwami bwakububweza** —Johane 10:18

TULANUNUNWA ABULOWA BWAMBELELE YA-LEZA

...Teensi zintu zikulumpala [ziulululwa], mbuli insiliva niiba ingolida . . . pe, mwakanunuzigwa abulowa buyandisi mbuli bwanwanambebele uutajisi akampenda nanka kabala, nkokuti bu- lowa bwa-Kristo. —1 Petro 1:18, 19

KWIINA CIMBI CITUUSYO CIKONZYA KUGWISYA CIBI

...Twasalazizigwa [twasweyisyigwa], nkaambo Jesu Kristo waku- katuula mubili wakwe lweendo lomwe luzutu. —Ba-Hebrayo 10:10

12 Nkabela lino mbutwalulamikwa [mbutwasalazigwa] kubulowa bwakwe, mulinguwe alimwi mututi inde loko kufutulwa kubukali.


Ukandiyeeye, Mwami,
waakusika mubwami bwako.

—Ba-Roma 5:9



Oyu mubbi
wakasyoma
muli-Jesu
nkabela
wakafutu-
lwa.

... Ncobeni
ndakwaambila
kuti, Sunu
tunooli ayebo
mu-Paradaiso.
—Luka 23:43



Oyu mubbi
takasyomede
muli-Jesu,
aboobo
kwiina naka-
futulwa.

... Nitwakacili basizibi [bataswiilili kuli-Leza] Kristo wakatufwida.

—Ba-Roma 5:8

**BOONSE ABO BASYOMA MU-MWANA 13
WA-LEZA BALIJISI BUUMI**

**Nkaambo obuya Leza mbwaakayandisya
nyika, wakapa Mwanaakwe simuzyalwa
alike, kuti umwi umwi uumusyoma
atafwidilili, pele abe abuumi ubutamani.**

—Johane 3:16

**Nguwenya Taatesu iwakatufutula kuzwa kunguzu zya-
mudima akutunjizya [akututola] mu-Bwami bwa-Mwanaa-
kwe uuyandwa. Mumwanaakwe oyo mutujene lununuko*
abulekelelo bwazibi.**

—Ba-Kolose 1:13, 14

*Lununuko caamba kuti twakaulwa lwabili.



**Nkabela angelo waka-
wwiila banakazi kuti,
Mutayoowi inywe,
nkaambo ndizi kuti
mulayandaula Jesu
iwakabambulwa acii-
ngano. Tako okuno,
ulibukide mbubonya
mbwaakaamba. Amuboo-
le, mubone nkwaakalede
Mwami.**

—Matayo 28:5, 6

JESU WAKABUKA KUZWA KUBAFU 15

Ndime oyu uupona, nekubaboobo ndakalifwide. Lino amubone, akupona ndapona lyoonse mane kukabe kutamani, nkabela ndijisi zijaluzyo zyalufu azya-Gehena [kunyonyoonwa].

—Ciyubunuzyo 1:18

... Nkaambo ndi muumi, anywebo munooli baumi.

—Johane 14:19

Nkaambo Kristo wakaluzunda lufu alimwi ulaayobwede makii akulufu, tatweede kuyoowa lufu pe.

Kuciindi cakuyoowa ndasyoma nduwe. —Intembauzyo 56:3

(Langa peeji 46 kuzisyomezyo zya-Leza.)

JESU ULAKONZYA KUKUFUTULA ALIMWI ULAKUKOMBELA

Pele walo ulakalilila lyoonse.... Walo uli anguzu zitamani [zimaninide] zyakubafutula abo abaswena kuli-Leza kujanza Iyakwe, nkaambo lyoonse buyo mpali, ulabakombelezya.

—Ba-Hebrayo 7:24, 25

16 YEBO AMBEBO TULAKONZYA KUBA ABUUMI BUTAMANI



**Njiili nzila YEBO
njotola?**

Jesu Kristo NJENZILA
iiya ku-BUUMI butamani
a-Leza.

Diabulosi naa Saatani
njenzila iiya ku-LUFU
lutamani.

Oyu mulombe wasala nzila mbotu iiya kubuumi butamani.

NKUKULI UKUSALA NKOYANDA KUCITA? 17

**... Lino amulisalile buzuba obuno ngumuyanda ku-
belekela** —Joshua 24:15

**... Amusale buumi, kuti mupone, nywebo abana ba-
nu.** —Deuteronomo 30:19

JESU NJENZILA IYA KUBUUMI BUTAMANI

**Takukwe lufutuko kuluumbi naba omwe pe, nkaa-
mbo takukwe zina limbi ansi ilipegwa bantu, ndotwee-
lede kufutulwa andilyo.** —Incito 4:12

Ndime, ndime Jehova. Taakwe Mufutuli umbi.
—Isaya 43:11

18 NKAAMBONZI NCOTUSALILA JESU UKUTI TUYANDA BUUMI BUTAMANI?

1. *Ngu-Kristo uwakaboola.*



... Mebo ndazida kuti babe abuumi,
akuti buvule —Johane 10:10

2. *Ngu-Kristo uwakatuyanda akutufwi- da.*

... Mwana a-Leza, ... wakandiyanda
akulyaaba nkaambo kangu.

—Ba-Galatiya 2:20

Jesus wakaba muntu, wanyama alimwi
abulowa mbuli ndiswe, ... **kuti kukufwa**

**kwakwe akamwaye oyo uujisi nguzu zyalufu, 19
nkokuti Saatani, alimwi kuti akabavune boonse
abo abakavubidwe buzike muciiindi coonse cabuu-
mi bwabo, nkaambo kakuyoowa lufu.**

—Ba-Hebrayo 2:14, 15

***3. Bulike bulowa bwa-Jesu mbobukonzya kutupo-
nya kuzibi zyesu.***

**... Bulowa mbobumanya [kulekelela] milandu nkaa-
mbo kabuumi. —Levitiko 17:11**

**... Bulowa bwa-Jesu Kristo Mwana wakwe bulatu-
salazya kuzibi zyoonse. —1 Johane 1:7**

**Mumwanaakwe oyo mutujene lununuko [lufutuko]
abulekelelo bwazibi. —Ba-Kolose 1:14**



4. Ngu-Kristo uwakabuka kuzwa kubafu.

Nkaambo tulizi kuti Kristo mbuli mwabukide kuzwa kubafu tacifwi limbi pe. Lufu talucili abwami [booneki] bwanguwe pe.

—Ba-Roma 6:9

Nkabela wakabafwida boonse kuti abo bapona bataciliponene beni pele baponene oyo iwakabafwida akubuka.

—2 Ba-Korinto 5:15

Jesu wakati, ... Nkaambo ndi muumi, anywebo mu-nooli baumi.

—Johane 14:19

5. *Tweeledede kuba a-Muuya wa-Kristo mulindiswe 21*
ukuti tube abuumi butamani (ukuti tukapone mane
kukabe kutamani).

Kristo uli mukati kanu, alimwi ngonguwe bulangizi
bwabulemu. —Ba-Kolose 1:27c

Pele kuti ulimukalilide mukati Muuya wasikubusya
Jesu kuzwa kubafu, elyo oyo sikubusya Kristo kuba-
fu ulapononosya mibili yanu mifwisi ayalo kunguzu
zya-Muuya wakwe uumukalilide mukati.


—Ba-Roma 8:11

BA MASIMPE KUTI MUUYA WA-KRISTO ULI MULINDUWE

...Umwi uutajisi Muuya wa-Kristo, oyu teensi wakwe
[tali wa-Kristo] pe. —Ba-Roma 8:9

22 MBOKONZYA KUJANA BUUMI BUTAMANI

Kotobela
mizeezo
kusalikila
a-peeji 24.



Naba mwana ulazibwa
kumilimo yakwe . . .

—Tusimpi 20:11

Jesu ulandiyanda, eci ndilizyi, nkaambo Bbaibele lilandyaamba.

JESU ULABAYANDA BANA BOONSE 23

Walo Jesu wakabaita kulinguwe wakati, Amuzumizye bana kuti baboole kulindime, mutabakasyi, nkaambo Bwami bwa-Leza mbubwabo abali bobuya. —Luka 18:16

Mbuboobo Usowanu uuli kujulu tayandi kuti afwidilile [anyonyooke na kusweekela limwi] naba umwi akati kabaniini aba. —Matayo 18:14

Takukwe makani kuti naanduweni naa ukala kuli, Jesu ulakuyanda alimwi wakakufwida. Jesu ulaluyanda luyando *Iwako* awalo. Ulakonzya kutondezya luyando Iwako kuli Jesu ukwindilila mukumuswiilila.

Mwanoondiyanda, kamubamba milao yangu. —Johane 14:15

MBOKONZYA KUJANA NZILA YAKO IYA KULI LEZA

1. *Zumina kuti uli sizibi (nkokuti tokwe nokamuswiilila Leza.)*

Nkaambo boonse babisya akulela kubulemu bwa-Leza.

—Ba-Roma 3:23

2. *Boola kuli Leza ukwiinda muli Jesu Kristo.*

Nkaambo kuliide Leza omwe luzutu, alimwi kuli sikuyanzya omwe uuli akati ka-Leza abantu, ngumuntu Kristo Jesu.

—1 Timoteo 2:5

Nkaambo kaako, [Jesu] walo uli anguzu ... zyakubafutula abo abaswena kuli-Leza kujanza lyakwe.... —Ba-Hebrayo 7:25

Jesu wakati, ... Awalo uuza kulindime nsikoomutanda [nsikoomusowa] akaniini pe. —Johane 6:37

3. *Sanduka kuzibi zyako.*

(Ukusanduka caamba “kuusa kupati akuleka kubisya.”)

Aboobo amweempe, musanduke, kuti zibi zyanu zijatilwe

—Incito 3:19

Jehova . . . ucimukazikila moyo, nkaambo tayandi kuti bantu bafwidilile, ulayanda kuti boonse bajane ciindi cakweempwa.

—2 Petro 3:9

4. *Lyambilile zibi zyako kuli Jesu.*

(Kulyambilila caamba “kwaamba naa kulizuminina.”)



Kuti twalyaamba zibi zyesu, walo ulasyomeka akululama, ulatulekelela zibi zyesu

—1 Johane 1:9

26 Amizila iili aansa awa, lemba 1 Johane 1:9 ika-
janwa ajanza likomba a-peeji 25.

5. *Siya zibi zyako.*


(Ukusiya caamba kuti “leka”, “cifutatile.”)

**Uusisa milandu yakwe takooyooba acoolwe pe, pele
oyo uulyaambawida akuleka ulafwidwa luzyalo.**

—Tusimpi 28:13

Leka bubi, ucite kabotu

—Intembauzyo 37:27



Nkaambo kakuti luzyalo ndolumufutisizye nkaambo kalusyomo, ... ncipo buyo cizwa kuli-Leza. Teensi makani aancito zyesu, pe, kuti kutabi muntu uulikankaizya.

—Ba-Efeso 2:8, 9

6. *Syoma muli Jesu Kristo.* 27

... Anooli wazumina kumulomo kuti Jesu ngu-Mwami, akusyoma mu-moyo wako kuti Leza wakamubusya kubafu, noti kafutuke. —Ba-Roma 10:9

... Syoma ku-Mwami Jesu, noti futulwe yebo abe-ḡanda yako. —Incito 16:31


28 7. *Mutambule Jesu Kristo mumoyo wako amubuumi bwako.*



Yebo olike nduwe okonzya kujula moyo wako akumutamba Jesu kuti anjile. Jesu wakati, **Bona, ndiimwi kumulyango, ndakonkomona. Na kuli muntu uuswiilila ijwi lyangu akundijulila mulyango, nzoonjila mulinguwe, nkalalile awe, alakwe ambebo.** —Ciyubunuzyo 3:20

Ino boonse abamuzumina, nko-kuti abasyoma zina lyakwe, wabaabila nguzu zyakusanduka akuba bana ba-Leza. —Johane 1:12

Ukuti naa tonakombede, mbube koyanda lugwasyo mukukomba, ulakonzya kutobela citondezyo cili awa:



Oyandwa Mwami Jesu,

Ndalumba kufwa kwako aciingano ukugwisya zibi zyangu. Ndausa kuzintu zibi zyoonse nzindakacita. Ndakukumbila kapati kuti unjile mumoyo wangu akukalilila mumoyo wangu mane kuka-be kutamani. Ndilakusyoma eno ndilyonya ukuti usalazye moyo wangu. Ndakutambula kuti ube Mufutuli wangu a-Mwami wangu endike.

Muzina Iya-Jesu, Ameni.

30 KUBAA JESU MUMOYO WAKO, UNOOLI ABUUMI BUTAMANI


...Leza wakatupa buumi butamani, obu buumi buli mu-Mwana wakwe. Oyo ujisi Mwana ulijisi buumi....

—I Johane 5:11, 12

...Oyo uumvwa ijwi lyangu, akumusyoma uwakandituma, ... wakazwa kukufwa, waya kubuumi. —Johane 5:24

Mubili wako wafwa, uyookala a-Mwami (2 Ba-Korinto 5:8).
... Kristo uli mukati kanu, ... ngonguwe bulangizi bwabulemu (Ba-Kolose 1:27).

Ukuti wamukumbila Jesu ukukujatila zibi zyako, alimwi wasyoma mu-Mwami Jesu Kristo kuti ngo-Mufutuli wako, lemba zina lyako amuzila awa:



Bala tupango mu-Bbaibele (Ijwi Iya-Leza) buzubaabuzuba akutusisa mumoyo wako akupeta tupango utukugwa-sya. (Utunji ulatujana muka-bbuku aka.)

Magwalo aya oonse akazwa kuli-Leza, alikondede kukufundisya akukulaya [ncosyoma], akukuolola akukupandulula makani aabululami.

—2 Timoteo 3:16

KOWAMBAULA A-JESU UKWIINDILILA MUKUKOMBA KUFUMBWA CIINDI



Kolumba Jesu kuzintu zibotu zyoonse mu-
buumi. *Mutembaule* kuzintu nzyakucitila alimwi
akufutula muuya wako. *Kombela kufumbwa*
kubula nkojisi. Komba muzina Iya-Jesu.

...Na twakumbila kufumbwa cintu cili
buti cili mbuli makanze aakwe, ulatu-
mvwa. —1 Johane 5:14

“...Kufumbwa cintu ncomuyookumbila
kuli-Taata muzina Iyangu uyoomupa.
—Johane 16:23

... Amukombelane —Jakobo 5:16a

... Amubakombele bamupenzya.
—Matayo 5:44

ULUKOMBO JESU NDWAKAIISYA BASIKWIIYA BAKWE

33

(Sikwiiya muntu utobela Jesu.)

Jesu wakabaambila basikwiiya bakwe kukomba munzila eyi:

Taatesu ooli kujulu, Alilemekwe [Oosweya] izina lyako, Abuze Bwami bwako, Alucitwe luyando lwako, Ansi ano mbubonya mbuli kujulu. Utupe sunu zilyo nzitubula, Utulekelele milandu yesu, mbubonya mbuli mbutubalekelede aswe bali amilandu kulindiswe, Utatweenzyi mukutepaulwa, Utuvune kumubi, Nkaambo Bwami mbubwako, anguzu abulemu, mane kukabe kutamani. Ameni. —Matayo 6:9-13

Olu lukombo luleelede kuti uluzyibe mumoyo. Ubunji bwezii-ndi ibasyomi balakomba lukombo olu antoomwe.

34 IMILAWO YA-LEZA IILI KUMI ITUYIISYA MBULI MBOTWEELEDE KUPONA

(Kulonga Caandaano 20)

Imitaanzi yone iyamba Luyando Iwesu kuli Leza.

- 1. Utabi amizimu imbi kunembo Iyangu.**
- 2. Utalicitili cikozyano cibezedwe cacintu cili buti
Utazikotamini nekuba kuzimanina milimo**
- 3. Utasampauli izina Iya-Jehova Leza wako**
- 4. Ingasila buzuba bwa-Sabata, ubusalazye.**

Iyamamanino iili cisambomwe iyamba Luyando Iwesu kumuntu.

IMILAWO IILI KUMI (ICIZUMANANA) 35

5. Lemeka uso abanyoko.
6. Utajayi.
7. Utaciti bumambi. (Imamambe nkuswaangana kwakutasyomeka ukucitwa amwaalumi naa amukaintu.)
8. Utabbi.
9. Utalengeleli mweenzinyokwe kaambo.
10. Uteemuzyi . . . cintu [camweenzinyoko] cili buyani ncajisi.

UKULIBOMBYA KULI LEZA NKOKULETA KWIINGULWA KUNKOMBYO ZYESU

Coonse ncitukumbila kulinguwe tulacitambula, nkaambo tulabamba milazyo yakwe akucita ezyo zintu zibotezya kumeso aakwe.

—1 Johane 3:22

Luyando kuli-Leza


1. Jesu wakamwaambila kuti, Yanda Leza Jehova wako amoyo wako woonse, amoya wako woonse, amumiyeeyo yako yoonse. Ngooyu mulazyo mutaanzi mupati.

—Matayo 22:37, 38

Luyando ku-Muntu

2. Awabili ulikozyene awalo, ngooyu, Yanda mweenzinyoko mbuli mboliyanda omwini. —Matayo 22:39

Imilawo yoonse iili kumi (mapeeji 34 a-35) ilajanwa mu-Milawo Mipati eyi yobile.



Caandaano Cipati ca-Luyando

(1 Ba-Korinto 13:1-8, 13)

**¹Nikuba kuti ndaamba myaambo yabantu niiba yabaa-
ngelo, nekubaboobo nsijisi luyandisyo mumoyo wa-
ngu, elyo ndaba mbuli mulangu uulila buyo nanka ci-
zyano cicokolacokola. ²Alimwi kuti nindalijisi businsi-
mi akuziba makani oonse aasisidwe aluzibo loonse, ni-
ndalijisi lusyomo lunji lwakuziyula malundu, nekuba-
boobo nsijisi luyandisyo, nsili muntu pe. ³Nindaabaula
[indapa] imbono zyangu zyoonse, nikuba kwaaba mubili
wangu kukutentwa, nekubaboobo nsijisi luyandisyo ta-
cindigwasyi pe. ⁴Luyandisyo lulakazika moyo [luteeli] a-
kufwa luzyalo. Luyandisyo talukwe ibbivwe, talulika-**

38 nkaizyi, talulisumpuli, ⁵talukwe cisapi, talulilangili-
li cintu, talufwambi kujata bukali, taluyeeyi inkoto
yabubi. ⁶Talukondelwi zitaluleme [ziteelede] pe, lulako-
ndelwa lusinizyo. ⁷Lulakolela makani oonse akuba alu-
syomo lyoonse, lulijisi bulangilizi lyoonse akuba aca-
mba kumapenzi oonse. ⁸Luyandisyo talweeli. Pele ma-
sinsimi alaloba, ayalo myaambo ilamana, alwalo luzibo
lulaloba.


¹³Lino sunu alabedelela aya otatwe, lusyomo abula-
ngilizi aluyandisyo, pele akati kayaaya cipati nduyandi-
syo.

LEZA NDUYANDO

... Leza nduyando, aboobo oyo uukalilila muluyando
ulakalilila muli-Leza, alakwe Leza ulakalilila mulingu-
we.

Johane 4:16

JESU ULAYANDA KUTI UPE BUMBONI 39 KULI BAMWI



(amunzi, kucikolo, kucikombelo, koonse koonse)

Jesu wakati, **Koya kuṅanda yako kubeenzinyoko, ukabalwiide ezyo nzyaakucitila Mwami, ambwaakufwida luzyalo.** —Marko 5:19

40 MBWAKONZYA KUZYIBWA MWANA WA-LEZA WINI WINI

Aboobo micelo yabo njiiti muzibye mbubabede. —Matayo 7:20

Pele micelo ya-Muuya njeeyi: —Iuyandano, lukondo, luumuno, busicamba, [Iweetelo] buuya, bubotu, lusyomo, lubombo, kulye-ndelega. . . . —Ba-Galatiya 5:22, 23

U MWANA WA-LEZA WINI WINI ULAJATILA BAMWI

Nkaambo mwalekelela bantu milandu yabo [zibi zyabo], alakwe Usowanu uuli kujulu ulamulekelela anywe. —Matayo 6:14


IZINTU ZILI CILOBA LEZA NZYASULAIKA

Meso aakulisumpula, lulimi lwakubeja, Amaanza aatila bulowa bwabaabo batakwe mulandu, Moyo uuyeeya makanze aabubi, Maulu aazuzaanina kububi, Kamboni sikubeja uuyooya zyabu-beji, Amuntu uubusya inkondo akati kababunyina.

—Tusimpi 6:17-19

Micelo
ya-Muuya

Imilimo
ya-
Nyama



IMILIMO YA-NYAMA:

41


...Bwaamu, busofwaazi [nkuswaa-
ngana kwabantu batakwatene]...kuko-
mba mituni, bulozi, inkondo, bulwani,
lukazya-nyo... ibbivwe, inkolwi, ...
azimwi zili boobo:... Abo bacitaula
zintu zili boobo tabakooyookona
Bwami bwa-Leza. —Ba-Galatiya 5:19-21

...Nibaba baalumi boona baaluminyi-
na nibaba babbi nibaba basikuliku-
mbu zya —1 Ba-Korinto 6:9, 10

MUZUMIZYE JESU KUTI AKUZUZYE A-MUUYA WAKWE AKUKUSALAZYA

Lino mbuboobo mbubakabede kale bamwi akati kandinywe,
pele sunu mulisanzizidwe, mulisalazizidwe, ... muzina Iya-Mwa-
mi Jesu Kristo aku-Muuya wa-Leza wesu. —1 Ba-Korinto 6:11

(Bala Luka 16:19-26.)



Ba masimpe kuti ulasyoma muli Jesu Kristo. Uyoolibika zina lyako mu-Bbuku lyakwe Iya-Buumi.

Nkabela umwi aumwi iwatakajanwa izina lyakwe mubbuku lyabuumi waka-sowelwa muziba Iyamuli-lo. —Ciyubunuzyo 20:15

JESU NJENZILA ILIKE IYA KULI LEZA 43

**... Leza wakatupa buumi butamani, obu buumi bu-
li mu-Mwana wakwe. —1 Johane 5:11**

**Nkaambo cakuvola cazibi ndufu, pele caabilo ca-
Leza mbuumi butamani bwamuli-Kristo Jesu Mwami
wesu. —Ba-Roma 6:23**

**Oyo uusyoma Mwana nguuli abuumi ubutamani,
pele oyo uutamvwi Mwana takooyoobona buumi, pe-
le bukali bwa-Leza bulikede alinguwe. —Johane 3:36**

**Jesu wakamwaambila kuti, Ndime nzila, ndime bwi-
ni, ndime buumi. Takukwe uza kuli-Taata, pele mu-
lindime. —Johane 14:6**



Mucilengaano ca-Johane mu-Ciyubunuzyo 21 wakabona julu pya enyika mpya.

Nkabela uyoosindula misozi yoonse kumeso aabo, takukooyooba limbi lufu, nikuba kuomoka nikuba kulila nikuba kuciswa, nkaambo zintu zyakale zyamaninina. Mpawo oyo uukede acuuno cabwami wakati, Amubone, ndalengulula zintu zyoonse, zibe zipya.... —Ciyubunuzyo 21:4, 5

Alimwi Johane wakabona Munzi Usalala, Jerusalemu mupya, kaboola ansi kuzwa kuli Leza ukuzwa kujulu ...**Munzi wini ngwangolida iinyengema nyengenyenge mbuli ciboniboni cisalala. Matalikilo aabwaanda bwamunzi aliskatide amabwe mayandisi aamisyobo misyobo....**

—Ciyubunuzyo 21:18, 19

JESU WAKAINKA UKUYOOBAMBA 45

MUNZI WABAABO BOONSE BAMUSYOMA

Myoyo yanu itapengi, kamusyoma Leza, kamundisyoma amebo. Muḡanda ya-Taata mwaali makalilo manji, nekwatali boobo nendamwaambila nkaambo ndiya kukumubambila busena. Kuti na ndainka kuyoomubambila busena ndiyoooola alimwi, nzoomutolelele, kuti oko nkwembede anywebo mukabe nkuko. —Johane 14:1-3

AMBA MAKANI MABOTU AYA KULI BAMWI

Jesu wakati, ... Kamuya munyika yoonse, mukakambaukile bantu boonse Makani Mabotu. —Marko 16:15

...Abaabo bapilusya bantu banji kubululami mba-songo.... —Daniele 12:3b

46 IZISYOMEZYO ZYA-LEZA KUBANA BAKWE

...Nsikwe nenti kamulekelezye nokuba kuyoomuleka buyo
pe, pe. —Ba-Hebrayo 13:5

Nkaambo ulalailila baangelo bakwe anduwe,
Kuti bakubambe munzila zyako zyoonse.

—Intembauzyo 91:11

...Takukwe uukonzya kuzikwempa
mujanza Iya-Taata. —Johane 10:29

...Ndaba anywe mazuba oonse nikuba
kusikila kumamanino aaciindi.

—Matayo 28:20

...Kosyomeka mane do kusikila kulufu, lino njookupa musini
wabuumi.

—Ciyubunuzyo 2:10

Kondikwiilila, lino nookuvwiila.... —Jeremiya 33:3



Oonse muntu uyoobusigwa ukuzwa kubafu.

... Ciindi ciyoosika ncobati kamvwe ijwi lyakwe boonse abali muzyuumbwe, bayoozwa mpoonya, abo abakacita kabotu bayoobusigwa kubuumi, abaabo abakacita bubi bayoobusigwa kukubetekwa.

—Johane 5:28, 29



Ibakafwa muli-Jesu mbabayootaanguna kubuka.

Elyo swebo tobaumi tobasyaalizi tuyoo-bwezelwa mumakumbi antoomwe ambabo, tukacingane a-Mwami mujulu aboobo tuyookala a-Mwami lyoonse.

—1 Ba-Tesalonika 4:17

... Kamulindila akukomba, nkaambo tamu-zi ciindi nociyooba.

—Marko 13:33



Amubone, uleza amakumbi, nkabela meso oonse ayoomubona.... —Ciyubunuzyo 1:7

Cenjela bakristo babeji abasinsimi babeji.

...Kuti muntu umwi aumwi akamwaambile kuti, Amulange, ngooyu Kristo! antela, Ngooyo! mutazumini.... Kuti bakamwaambile kuti, Amulange, mwali munkanda! mutainki, antela, Amulange, mwali muzimpetu! mutakazumini.

—Matayo 24:23, 26

JESU UYOBOOLA CAKUFWAMBAANA MUMAKUMBI AMUJULU

Nkaambo mbuli lulabo luzwa kujwe akusikila kumbo, mbubonya obo mbukuzooba kuboola kwa-Mwana a-Muntu.... Misyobo yoonse yaansi ... iyoobona Mwana a-Muntu uuboola amayoba aakujulu anguzu abulemu bupati.

—Matayo 24:27, 30

INTEMBAUZYO YAMWEMBEZI

(Intembauzyo 23)

¹Jehova ngumweembeli wangu, Nsikabuli cintu. ²Ulandoneka mumacelelo aamwemvwe, Ulandeenzya kumbali lyamaanzi aacilyokezezyo. ³Ulabukulusya moyo wangu, Ulandeenzya munzila zyabululami, Nkaambo kazina lyakwe.

⁴Nenjeenda mumumpata walufu uusia mbi, Nsiyoowi bubi, nkaambo tuli ayebo, Musako wako ankoli yako zilandiyumya.

⁵Wandibambila zyakulya kubusyu bwabasinkondoma, Wana nika mutwe wangu amafuta, ankomeki yangu yafwasuka.

⁶Ncobeni bubotu aluzyalo zilanditobela mazuba oonse aa-buumi bwangu; Lino njookala muᵑanda ya-Jehova lyoonse alyoonse.

Scripture text reprinted from the Bible in Tonga (Zambia), ©1963 United Bible Societies. Used by permission.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Takasambalwi nkakupa buyo

www.wmpress.org

9-21

Read booklets online or by App
www.wmp-readonline.org

2243 Tonga WTG

